



Province of the  
**EASTERN CAPE**  
EDUCATION

**NASIONALE  
SENIOR SERTIFIKAAT**

**GRAAD 12**

**SEPTEMBER 2010**

**EKONOMIE**

**PUNTE: 300**

**TYD: 3 uur**



---

Hierdie vraestel bestaan uit 16 bladsye.

---

**INSTRUKSIES EN INLIGTING**

1. Beantwoord SES vrae as volg:  
AFDELING A: VERPLIGTEND.  
AFDELING B: Beantwoord enige DRIE vrae in die ANTWOORDEBOEK.  
AFDELING C: Beantwoord enige TWEE vrae in die ANTWOORDEBOEK.
2. Skryf die vraagnommer boaan elke vraag.
3. Nommer die antwoorde volgens die nommeringstelsel wat in hierdie vraestel gebruik word.
4. Lees die vrae deeglik en begin elke vraag op 'n NUWE bladsy.
5. Laat 2-3 reëls oop tussen onderafdelings van vrae.
6. Beantwoord vrae in vol sinne en maak seker dat die uitleg en inhoud van jou antwoorde voldoen aan die kognitiewe vlakke van die vraag.
7. Skryf netjies en leesbaar.
8. Slegs die vereiste aantal vrae sal nagesien word in die volgorde waarin dit in die ANTWOORDEBOEK verskyn.

**AFDELING A (Verplichtend)****VRAAG 1 (LU1 – LU4)**

1.1 Verskeie moontlike opsies word voorsien as antwoorde op die volgende vrae. Kies die mees korrekte antwoord en **skryf slegs die letter** (A, B of C) langs die ooreenstemmende vraagnommer (1.1.1 – 1.1.12) in die ANTWOORDEBOEK neer.

**LU1** 1.1.1 Die uitbreidingsfase in 'n sakesiklus staan ook bekend as die ...

- A opswaai.
- B afswaai.
- C resessie. (2)

1.1.2 As die waarde van die SA rand afneem in verhouding tot die VSA dollar, sal Suid-Afrikaanse uitvoere ...

- A afneem.
- B dieselfde bly.
- C toeneem. (2)

1.1.3 Die omvang van inkome en besteding van die regering vir die volgende drie jaar, word die ... genoem.

- A begroting
- B mediumtermyn bestedingsraamwerk
- C korttermyn bestedingsraamwerk (2)

**LU2** 1.1.4 'n Tipiese voorbeeld van 'n onderneming in 'n monopolistiese mark is ...

- A Vodacom.
- B Pick n Pay.
- C Eskom. (2)

1.1.5 Foutiewe en ondoeltreffende toekenning van hulpbronne wat lei tot vermorsing of verlies aan waarde verwys na ...

- A markmislukking.
- B markewewig.
- C markkragte. (2)

1.1.6 Produkte wat in 'n volmaak mededingende mark verkoop word, is ...

- A heterogeen.
- B homogeen.
- C inheems. (2)

- LU3** 1.1.7 Afskaffing van onnodige regulasies, wette en magswanbalanse wat mededinging in 'n vrye mark beperk, staan bekend as ...
- A deregulering.
  - B privatisering.
  - C nasionalisering. (2)
- 1.1.8 BBP teen huidige pryse is 'n voorbeeld van 'n ... aanwyser.
- A sosiale
  - B finansiële
  - C ekonomiese (2)
- 1.1.9 As doeane- of invoerbelasting gehef word as 'n bedrag per eenheid, staan dit bekend as ... tariewe.
- A ad valorem
  - B saamgestelde
  - C spesifieke (2)
- LU4** 1.1.10 As die algemene prysvlak styg as gevolg van 'n styging in die prys van petrol, veroorsaak dit ... inflasie.
- A kostedruk
  - B vraagtrek
  - C ingevoerde (2)
- 1.1.11 Pogings om alles in die omgewing ongeskonde of in stand te hou.
- A Beskerming
  - B Preservering/Bewaring
  - C Behoud (2)
- 1.1.12 Besoeke aan skilderagtige plekke, plantegroei, woude en natuurlewe word beskou as ...
- A kulturele toerisme.
  - B eko-toerisme.
  - C avontuur toerisme. (2)
- (12x2) (24)

- 1.2 Kies 'n woord uit die onderstaande LYS wat die gegewe stellings die beste omskryf.  
**Skryf slegs die korrekte woord** langs die ooreenstemmende vraagnommer (1.2.1 – 1.2.5) in die ANTWOORDEBOEK neer.

GEAR; Uitvoerverdienste; Verbruikersprysindeks; Oligopolie; Kunsmatige monopolie; Doeane unie; SEB; Invoerbetalings.
---

- 1.2.1 Geld wat die ekonomiese kringloop binnevloei uit ander lande.
- 1.2.2 Word geskep om toegang te beperk deur gebruik te maak van patenteregte of lisensiëring.
- 1.2.3 Ingestel as 'n strategie om ekonomiese groei te bevorder, werkverskaffing te verhoog en inkome te herverdeel.
- 1.2.4 Verteenwoordig die koste van die 'inkopie mandjie' van goedere en dienste van 'n tipiese Suid-Afrikaanse huishouding.
- 1.2.5 Gevorm deur die verwydering van alle handelsbeperkings tussen lidlande en die toepassing van dieselfde invoerbeperkings op nie-lede. (5x2) (10)

- 1.3 Kies 'n omskrywing uit KOLOM B wat pas by 'n begrip in KOLOM A.  
**Skryf slegs die korrekte letter** (A tot J) langs die ooreenstemmende vraagnommer (1.3.1 – 1.3.8) in die ANTWOORDEBOEK.

	<b>A</b>	<b>B</b>
1.3.1	Amplitude	<b>A.</b> Bly konstant ongeag die vlak van uitset geproduseer
1.3.2	Buitelandse Valutamark	<b>B.</b> Dui die rigting, waarin die ekonomie beweeg, aan
1.3.3	Vaste koste	<b>C.</b> Die afwesigheid van handelsbeperkings tussen lande
1.3.4	Nie-prys mededinging	<b>D.</b> Die afstand tussen die pieke en die trôe vanaf die tendenslyn
1.3.5	Vryhandel	<b>E.</b> Kan gegeneer, vervang of hervul word
1.3.6	Ekonomiese aanwyser	<b>F.</b> 'n Mark vir langtermyn bates en eise
1.3.7	Stagflasie	<b>G.</b> Betrokke in die koop en verkoop van buitelandse valuta
1.3.8	Hernieubare bronne	<b>H.</b> Gebruik deur oligopolie ondernemings om klante te lok
		<b>I.</b> Toestand van hoë inflasie en hoë werkloosheid
		<b>J.</b> Beboet vir negatiewe uitwerking op die omgewing

(8x2) (16)

**TOTAAL VIR AFDELING A: 50**

## AFDELING B (BEANTWOORD ENIGE DRIE VRAE UIT HIERDIE AFDELING)

### VRAAG 2 (LU1 AS1–AS4)

(50 PUNTE – 25 MINUTE)

2.1 Beantwoord die volgende vrae dienooreenkomstig:

Kies die mees korrekte woord uit dié tussen hakies. **Skryf slegs die woord** langs die ooreenstemmende vraagnommer (2.1.1 – 2.1.4) in die ANTWOORDEBOEK neer.

- 2.1.1 Die vloei van produksiefaktore van huishoudings na besighede verteenwoordig 'n (*geld-/reële*) vloei.
- 2.1.2 (*Inkome/Vermenigvuldiger*) effek verwys na 'n aanvanklike toename in besteding wat lei tot 'n proporsioneel groter toename in nasionale inkome.
- 2.1.3 (*Kuznets/Jugler*) siklusse word veroorsaak deur aktiwiteite in die konstruksienywerheid.
- 2.1.4 Die (*geldmark/kapitaalmark*) is 'n mark vir korttermyn en baie-korttermyn besparings en lenings. (4x2) (8)

2.2 Noem die DRIE ekonomiese aanwysers wat in vooruitskatting gebruik word. (3x2) (6)

### 2.3 DATA RESPONS

Bestudeer die volgende tabel en beantwoord die vrae wat volg.

Lopende Rekening	(R miljoen)
Goedere uitvoere	278 932
Netto gouduitvoere	32 830
Ontvangste vir dienste	53 426
Inkome ontvangste	20 641
Goedere invoere	311 930
Betalings vir dienste	60 099
Inkome betalings	48 611
Lopende oordragte	-9 562
<b>Saldo op die Lopende Rekening</b>	<b>Vr. 2.3.2</b>

*Aangepas uit SARB Kwartaallikse Bulletin Junie 2009*

- 2.3.1 Definieer 'n "Betalingsbalans". (2)
- 2.3.2 Bereken die Saldo op die Lopende rekening in die bostaande tabel? (Skryf slegs die bedrag neer) (2)
- 2.3.3 Verduidelik 'Goedere uitvoer' en 'Lopende oordragte' kortliks. (2x3) (6)

## 2.4 DATA RESPONS

Bestudeer die volgende uittreksel en beantwoord die vrae wat volg.

### Telkom gereed om veranderings aan te bring

Telkom is op 'n missie om hierdie parastataal in Afrika se voorste inligtings-, kommunikasie en tegnologiese diensverskaffer te omskep.

Volgens hulle sal vernuwende planne Telkom se inkome oor die korttermyn onder druk plaas...maar hulle het geweier om kommentaar te lewer oor planne om die parastataal te herstruktureer.

[Vertaal en aangepas uit die Sunday Times September 2009]

- 2.4.1 Gee 'n ander begrip/naam vir '*Parastataal*'. (3)
- 2.4.2 Verduidelik kortliks die begrip '*herstruktureer*'. (3)
- 2.4.3 Gee TWEE voorbeelde van 'n parastataal (Telkom uitgesluit). (4)
- 2.5 Verduidelik kortliks *aanspreeklikheid* as een van die probleme by openbare sektor voorsiening. (4x2) (8)
- 2.6 Verduidelik kortliks enige TWEE soorte beleggings onder die 'Finansiële Rekening' van 'n Betalingsbalans. (2x4) (8)

50

## VRAAG 3 (LU2 AS1–AS3)

(50 PUNTE – 25 MINUTE)

- 3.1 Beantwoord die volgende vrae dienooreenkomstig:


Kies die mees korrekte woord uit dié tussen hakies. **Skryf slegs die woord** langs die ooreenstemmende vraagnommer (3.1.1 – 3.1.4) in die ANTWOORDEBOEK neer.

- 3.1.1 Onder volmaakte mededinging sal slegs (*normale/ekonomiese*) wins oor die langtermyn realiseer.
- 3.1.2 Wanneer formele samespanning tussen oligopolieë voorkom, staan dit bekend as 'n (*kartel/oligopolistiese mededinging*).
- 3.1.3 (*Private/Sosiale*) koste is koste wat verbruikers betaal wanneer hulle goedere koop.
- 3.1.4 Winsmaksimering in 'n volmaak mededingende mark vind plaas wanneer (*MK/GK*) gelyk is aan MI. (4x2) (8)
- 3.2 Lys die DRIE kenmerke/eienskappe van openbare goedere. (3x2) (6)




### 3.3 DATA RESPONS

Bestudeer die onderstaande grafieke en beantwoord die vrae wat volg.



**GRAFIEK A**



**GRAFIEK B**

- 3.3.1 Wat stel die skadu (grys) gedeeltes in Grafiek A en Grafiek B onderskeidelik voor? (4)
- 3.3.2 Noem EEN rede vir die horisontale vraagkurwe van 'n individuele produsent onder volmaakte mededinging. (2)
- 3.3.3 Verduidelik normale wins kortliks. (4)

### 3.4 DATA RESPONS

Bestudeer die onderstaande uittreksel en beantwoord die vrae wat volg.

Anele Modise is die eienaar van 'n koffiewinkel. Hy besit die gebou waarin die koffiewinkel geleë is. Sy besigheid het geen eksplisiete koste t.o.v. huur of rente nie. Die enigste betaling wat hy maak is vir elektrisiteit, water en arbeidskoste.

- 3.4.1 Onderskei tussen 'eksplisiete' en 'implisiete' kostes. (6)
- 3.4.2 Gee TWEE voorbeelde (uit die uittreksel) van eksplisiete koste. (4)
- 3.5 Verduidelik kortliks enige TWEE kenmerke van 'n oligopolie. (2x4) (8)
- 3.6 Verduidelik kortliks die TWEE soorte ondoeltreffendhede wat mag voorkom as gevolg van markmislukkings. (2x4) (8)

**VRAAG 4 (LU3 AS1–AS4)****(50 PUNTE – 25 MINUTE)**

4.1 Beantwoord die volgende vrae dienoreenkomstig.

Kies die mees korrekte woord uit dié tussen hakies. **Skryf slegs die woord** langs die ooreenstemmende vraagnommer (4.1.1 – 4.1.4) in die ANTWOORDEBOEK neer.

- 4.1.1 Ekonomiese (*groei/ontwikkeling*) is die proses waardeur die lewenstandaard van die mense in 'n land verbeter oor tyd.
- 4.1.2 Eiendom (*subsidies/belasting*) help mense om vaste residensiële eiendom te koop.
- 4.1.3 (*NOS'e/ROI'e*) is beplande nywerheidsgebiede, wat fisies omhein is en grens aan 'n internasionale hawe of lughawe.
- 4.1.4 As regerings aansporings betaal om die produksie van goedere en dienste gerig op uitvoere aan te moedig, word daarna verwys as (*uitvoerbevordering/invoervervanging*) (4x2) (8)

4.2 Lys enige DRIE elemente van Swart Ekonomiese Bemagtiging. (3x2) (6)

4.3 **DATA RESPONS**

Lees die onderstande koerantuitreksel en beantwoord die vrae wat volg.

**Gesondheidskwessies tref veldtogmark**

**Suid-Afrikaners praat oor Gesondheidskwessies, veral Vigs, en beskou dit nie meer as 'n stigma nie.**

Regeringsveldtogte verwant aan gesondheidskwessies was bo aan die lys vir die Top Vyf Regerings veldtogte. Boaan die lys was Gesondheidsbewustheid.

'n Woordvoerder sê algemene gesondheidsbewustheid – wat handel oor 'n reeks kwessies soos voeding, tuberkulose (TB) en ander nie-MIV/Vigs gesondheidsareas – is aangeraak deur 60% van diegene wat op die veldtog gereageer het.

Sy sê die regering en openbare sektor organisasies inisieer veldtogte wat 'n bewustheid skep oor 'n sekere saak, of om mense in te lig of op te voed daaroor.

[Vertaal en aangepas : Sunday Times November, 2009]

- 4.3.1 Wat, volgens die uittreksel, is die regering se hoof kategorie van sy veldtog? (2)
- 4.3.2 Noem enige TWEE kwessies wat in gesondheidsbewustheid beklemtoon word. (4)
- 4.3.3 Noem TWEE van die voordele van veldtogte (volgens die uittreksel). (4)

#### 4.4 DATA RESPONS

Bestudeer die volgende tabel en beantwoord die vrae wat volg.

Provinsie	Lewensverwagting by geboorte (jare)	Volwasse geletterdheidskoers (%)
Oos-Kaap	60,41	76,47
Vrystaat	52,78	88,77
Gauteng	59,62	98,13
KwaZulu-Natal	52,98	89,17
Mpumalanga	53,49	79,42
Noord-Kaap	55,62	83,79
Limpopo	60,10	73,16
Noordwes	53,29	95,76
Wes-Kaap	60,83	95,76
(Aangepas uit UGO vir VOO)		

- 4.4.1 Definieer die begrip “*lebensverwagting*”. (2)
- 4.4.2 Watter provinsie het die hoogste lewensverwagting? (2)
- 4.4.3 Watter provinsie het die laagste geletterdheidskoers? (2)
- 4.4.4 Noem enige TWEE redes vir verstedeliking. (4)
- 4.5 Verduidelik kortliks ‘*kapitaal*’ en ‘*tegnologie*’ as faktore nodig vir ekonomiese groei. (2x4) (8)
- 4.6 Verduidelik kortliks enige TWEE ekonomiese voordele van invoervervanging. (2x4) (8)

**VRAAG 5 (LU4 AS1–AS4)****(50 PUNTE – 25 MINUTE)**

5.1 Beantwoord die volgende vrae dienooreenkomstig.

Kies die mees korrekte woord uit dié tussen hakies. **Skryf slegs die woord** langs die ooreenstemmende vraagnommer (5.1.1 – 5.1.4) in die ANTWOORDEBOEK neer.

- 5.1.1 Die inflasiekoers wat die uitwerking van rentekoerse op 'n verbandlening uitsluit, staan bekend as (*VPI/VPIX*).  
5.1.2 Meeste van die werksgeleenthede in die toerismebedryf is in die (*vervoer-/gasvryheids-*) bedryf.  
5.1.3 Die toerisme sektor wat die vinnigste groei in Suid-Afrika, is (*ekotoerisme/besigheidstoerisme*).  
5.1.4 Die (*Kyoto-protokol/Wêreldberaad*) was die eerste internasionale ooreenkoms om aandag te skenk aan aardverwarming. (4x2) (8)

5.2 Lys enige DRIE negatiewe gevolge van lugbesoedeling. (3x2) (6)

5.3 **DATA RESPONS**

Lees die volgende uittreksel en beantwoord die vrae wat volg.

**WELKOM IN SUID-AFRIKA**

Suid-Afrikaners is van die mees trotse mense op aarde. Ons neem ons geesdrif, houding en verbondenheid ernstig op. Besoekers aan Suid-Afrika mag terugkeer met tasse vol aandenkings, maar die kosbaarste van als sal die persoonlike stories wees wat hulle sal deel wanneer hulle terug is by die plekke wat hulle 'huis' noem.

Elke Suid-Afrikaner moet ons nasionale kultuur van diens en gasvryheid aan alle toeriste toon. Dit is van toepassing op alle Suid-Afrikaners, amptelik in die gasvryheidsbedryf of as inwoner, wat '*iemand van buite die dorp*' ontmoet in die maand van die sokker.

Duisende werklose mense kan voordeel trek uit die geleenthede. Van taxi bestuurders, kelnerinne, toer-operateurs, stadion beamptes tot kitskos-smouse. Letterlik duisende diensbehoefte en geleenthede sal voorkom vir elk van die meer as 3 miljoen besoekers wat verwag word gedurende dié tydperk.

(Aangepas vanaf die Departement van Toerisme webtuiste)

- 5.3.1 Wat is die verantwoordelikheid/plig (volgens die uittreksel) van Suid-Afrikaners teenoor hierdie toeriste? (2)
- 5.3.2 Wat is 'n ander woord (sinoniem) vir '*iemand van buite die dorp*'? (2)
- 5.3.3 Noem enige DRIE moontlike tipes werke (soos gelys in die uittreksel) wat beskikbaar is in die toerismebedryf. (6)

#### 5.4 DATA RESPONS

Lees die volgende uittreksel en beantwoord die vrae wat volg.

##### **Zimbabwe se inflasie oorskry 1000%**

Inflasie skiet die hoogte in tot 1050%. Dit is die hoogste koers buite 'n oorlogsone. Die prys van brood styg met meer as 50%, terwyl openbare vervoertariewe verdubbel. Op 'n jaar-tot-jaar basis is plaaslike krag, elektrisiteit, gas en brandstowwe van die items wat prysstygings ervaar.

Zimbabwe is op die vooraand van 'n ekonomiese krisis, gekenmerk deur spiraal inflasie, stygende vlakke van armoede, 'n werkloosheidskoers van by die 70% asook konstante tekorte aan brandstof en basiese goedere.

[Vryelik vertaal en aangepas uit Business Report Junie 2009]

- 5.4.1 Watter soort inflasie ervaar Zimbabwiërs in die bogenoemde uittreksel? (2)
- 5.4.2 Noem TWEE items wat prysstygings toon. (4)
- 5.4.3 Onderskei tussen '*kern-*' en '*hooflyn inflasie*'. (4)
- 5.5 Verduidelik kortliks TWEE moontlike maniere van openbare sektor inmenging(regeringsinmenging) ten einde omgewingsvolhoubaarheid te bereik. (2x4) (8)
- 5.6 Verduidelik kortliks TWEE redes waarom toerisme as die wêreld se grootste skepper van werksgeleenthede beskou word. (2x4) (8)

**VRAAG 6 (LU1 & LU2 AS1–AS4)****(50 PUNTE – 25 MINUTE)**

6.1 Beantwoord die volgende vrae dienooreenkomstig.

Kies die mees korrekte woord uit dié tussen hakies. **Skryf slegs die woord** langs die ooreenstemmende vraagnommer (6.1.1 – 6.1.4) in die ANTWOORDEBOEK neer.

6.1.1 (*Fiskale/Monetêre*) beleid verwys na die gebruik van veranderde regeringsuitgawes, belasting en besteding.

6.1.2 Die aanbod van buitelandse valuta word veroorsaak deur die (*uitvoer/invoer*) van goedere.

6.1.3 Verkopers in 'n volmaak mededingende mark is prys- (*nemers/makers*).

6.1.4 (*Nie-meriete/Meriete*) goedere word beskou as sosiaal skadelik vir verbruik. (4x2) (8)

6.2 Lys die DRIE metodes wat gebruik kan word om BBP te bereken. (3x2) (6)

6.3 **DATA RESPONS**

Bestudeer die volgende tabel en beantwoord die vrae wat volg.

Prys (R)	Hoeveelheid verkoop	Totale Inkomste (R)	Gemiddelde Inkomste (R)	Grens Inkomste (R)	Grenskoste (R)
100	1	100	100	100	10
90	2	<b>A</b>	90	80	20
80	3	240	<b>B</b>	60	30
70	4	280	70	<b>C</b>	40

6.3.1 Bereken die volgende:  
Totale Inkomste (**A**);  
Gemiddelde Inkomste (**B**); en  
Marginale Inkomste (**C**). (6)

6.3.2 Definieer die begrip '*Grensinkomste*'. (2)

6.3.3 Wat is die punt waar wins gemaksimeer word (gee die vergelyking)? (2)

## 6.4 DATA RESPONS

Lees die volgende uittreksel en beantwoord die vrae wat volg.

'n Monopolistiese mark is wat elke top besigheid beoog. Dit kan veroorsaak dat jy baie geld verdien. Bill Gates, die rykste man ter wêreld is 'n voorbeeld van iemand wat dit verstaan en uitbuit. Daar is baie redes waarom dit voorkom. In ekonomiese terme sal 'n besigheid wie se vraagkurwe afwaarts neig, beskou word as een met monopolistiese mag.

*[Vryelik vertaal en aangepas uit Business Report Junie 2009]*

- 6.4.1 *'Die vraagkurwe van 'n monopolie het 'n afwaartse helling.'*  
Wat beteken dit? (2)
- 6.4.2 Noem enige TWEE kenmerke van 'n monopolie. (4)
- 6.4.3 Noem die TWEE faktore wat die winsgewendheid van 'n monopolie bepaal. (4)
- 6.5 Verduidelik kortliks hoe fiskale beleide gebruik kan word om die sakesiklus uit te stryk wanneer die privaatsektor se vraag te laag is. (4x2) (8)
- 6.6 Verduidelik kortliks enige TWEE voordele van privatisering. (2x4) (8)

**AFDELING C (BEANTWOORD ENIGE TWEE VRAE UIT HIERDIE AFDELING)****Opsteltype vrae:**

- Behoort 'n inleiding, inhoud en slot te bevat.
- 5 punte word toegeken aan die inleiding en slot.
- Nog 5 punte word toegeken aan die interpretasie van die onderwerp.
- **'n Maksimum van 40 punte word toegeken vir die inhoud.**

**Nie-opsteltype vrae:**

- Vir 'n brief word 5 punte toegeken vir die formaat.
- Nog 5 punte word toegeken aan die interpretasie van die onderwerp.
- **'n Maksimum van 40 punte word toegeken vir die inhoud.**

**VRAAG 7 (LU1 AS1)****(50 PUNTE – 40 MINUTE)****OPSTELTIPE**

*“Die ekonomiese kringloopmodel is 'n model wat in algemene terme verduidelik hoe die ekonomie georganiseer word en hoe deelnemers in die ekonomie met mekaar interaksie het”.*

Bespreek die verskillende deelnemers se betrokkenheid in 'n oop ekonomie met behulp van 'n volledig benoemde diagram. Verwys ook na die vloei in die kringloopmodel.

**[50]****VRAAG 8 (LU2 AS2)****(50 PUNTE – 40 MINUTE)****OPSTELTIPE**

“Markmislukking kom voor in alle ekonomieë”.

Verduidelik die gevolge van markmislukkings in detail.

**[50]****VRAAG 9 (LU3 AS3)****(50 PUNTE – 40 MINUTE)****NIE-OPSTELTIPE**

Skryf 'n formele brief aan die Minister van Handel en Nywerheid waarin die argumente ten gunste van beskerming bespreek word.

Gebruik die volgende adresse:

**Aan**  
Die Minister  
Departement van Handel & Nywerheid  
Privaatsak 1  
PRETORIA  
0001

**Van**  
G.A. Peter  
Posbus 100  
PORT ELIZABETH  
6000

**[50]****VRAAG 10 (LU4 AS1)****(50 PUNTE – 40 MINUTE)****OPSTELTIPE**

Doen 'n kritiese ontleding van die gevolge van inflasie.

**[50]****TOTAAL AFDELING C: 100****GROOTTOTAAL: 300**